

DISSERTATIO INAUGURALIS MEDICA  
DE

# ANÆMIA.

QUAM

BONO CUM DEO,

EX DECRETO

*GRATIOSI MEDICORUM ORDINIS*

IN ILLUSTRİ RAURACORUM ACADEMIA,

PRO

*SUMMIS IN MEDICINA HONORIBUS ET  
PRIVILEGIIS DOCTORALIBUS*

LEGITIME OBTINENDIS,

PUBLICO ERUDITORUM EXAMINI SUBMITTIT

JOH. HENRICUS ZWICKI,  
GLARONENSIS.

AUCTOR.

Ad D. 5. April. ANN. MDCCCLIV.

H. L. Q. S.

---

BASILEÆ, Typis JOH. HENRICI DECKERI, Academiæ Typogr.

VIRIS

*MAGNIFICO - AMPLISSIMIS, CONSULTISSIMIS,*

D O M I N O

JOH. PETRO ZWICKIO ,

INCLYTÆ GLARONENSIIUM REIPUBLICÆ  
CONSULARI sive LANDAMMANO  
MERITISSIMO &c.

D O M I N O

JO. MELCHIORI ZWICKIO ,

REIPUBLICÆ PATRIÆ SENATORI PRUDENTISS.

D O M I N O

BARTHOLOMÆO  
DE PARAVICIN,

OLIM TRIBUNO MILITARI FORTISSIMO,  
NEC NON  
PRÆFECTO FRAUENFELDENSII DIGNISSIMO

*AVO, PROPATRUIS, AGNATIS,  
PATRONISQUE SUIS*

GRATI ANIMI CULTU, PER OMNE VITÆ TEMPUS  
PROSEQUENDIS.

*Hasce Studiorum suorum Primitias submisit D. D.*

JOH. HENRICUS ZWICKIUS,

A U C T O R.





## PRÆFATIO.

**Q**ui liquidi vitalis sive sanguinis necessitatem in Corpore humano ad functionum in parte & in toto integritatem considerandam considerate perpendit, facile plures perspiciet Ægrotationes, quæ ab Inopia ejus sive anæmia exoriuntur. Omnia C. H. fluida ac humida, Chyli parte aliquâ excepta, a sanguine fluunt, & per partes quaslibet ob humectationem, nutritionem, secretionem, & excretionem variam, sensum ac motum aliaque inde pendentia distribuuntur. Certâ igitur ac naturali opus est quantitate & qualitate sanguinis, ut omnia ista cum solidorum actionibus sicut in sanitate rite procedant. Excessus ejus æque ac defectus corpori damnum infert multifarium. De excessu sive pletora authores practici usitatiores, hinc & inde multa habent; de copia sanguinis vero naturali ac debita minori sive anæmia hujusque effectibus parcius dicunt. Quamobrem in hanc cogita-

tiones meas derivavi , atque Speciminis inauguralis loco , penuriam sanguinis cum effectibus & sequelis pro viribus, sequenti ordine exquirere constitui. Primo generalia quædam de anæmia , hujusque diversitate exponere , ad ejus effectus dein paulatim progredi eosque paulo verbosius explanare conabor ; subjungam denique nonnulla , quæ prophylaxin , five auxilia , quibus isti anteverti possunt, respiciunt. Velit D. T. O. M. hunc meum laborem Gratiâ Suâ Divinâ ita fecundare, ut in sui Gloriam , proximique salutem cedat. Conatus leviores L. B. ut spero , condonabit , ob ætatem imbecillam , notionem & experientiam parcam.







DISSERTATIO  
INAUGURALIS MEDICA  
DE  
ANÆMIA.

---

§. I.



U T Anæmia & morbi, quos ea producere solet melius intelligantur, lubet præmit-tere quædam in genere de ejus Etymolo-gia, definitione, varietate atque causis. Anæmiæ vocabulum a Græco ἀναιμος & ex α priv. & αἷμα sanguis derivatur, & la-tinè hoc exprimitur sanguinis expers; Unde Anæmia est sanguinis in Corpore vivente penuria, a diversis oborta causis, debilitate, pallo-re, aliquando etiam febre aliisque symptomatibus homi-nem affligens. germanice appellatur, Mangel des Bluts.

Hinc forte dicitur , *Ein blut armer Mann* / Valde pauper homo ; ob similitudinem , ut videtur ; deficiente enim in Corpore sanguine vires & omnia alia fere defunt , ita in statu fortunæ & externo , si quis inopia laborat , omnibus aliis caret , adeoque sæpe bono nutrimento & sanguine. Latiori sensu *anæmia* quamcunque sanguinis sive liquidi vitalis magis aut minus boni penuriam denotat , quæ actiones in corpore lædit atque varios effectus producit , ut in sequentibus patebit.

## §. II.

*Cacochymia* , quam nonnulli aliquo sensu quoque ad *anæmiam* referri posse putarunt , ex sententia Practicorum ea est humorum qualitas , quæ functiones partium lædit. (1) Variam hanc esse vetres juxta ac recentiores Medici dixerunt ; id quod Hippocrati Medicorum antiquorum parenti jam notum fuisse ex ejus verbis conjicit Clariss. Joh. Philipp. Euselius , quæ continentur in lib. de Veter. Med. §. XXIV. atque ita sonant : „ Inest enim corpori „ & amarum , & falsum , & dulce , & acidum , & acerbum & fluidum & alia infinita omnigenas facultates habentia , copiamque ac robur. “ Modo allegatus Vir Clariss. in Compendio Pathol. §. XVIII. de *Cacochymia* ita scribit : „ Tot nempe sunt , quot humorum in Corpore hospitantium dantur generationes & gradualiter „ differentes acredines , ita ut vix inveniatur Medicus , „ qui omnes tales species , gradualiter differentes describere valeat. „ Ut plurimum tamen notante Eodem loco citato , ad quatuor species reducunt Authores , nempe ad amaram , acidam , pituitosam ac serosam ; quas antiquiores Medici biliosam , s. cholericam , pituitosam seu phlegmaticam , atrabiliariam s. melancholicam & serosam appellarunt. Porro etiam in benignam & malignam sive putridam dividebant. Sed quis non videt istam quadrupli-

---

(1) Boerh. Inst. Med. §. 719.



plicem distinctionem eandem esse cum illa temperamentorum? De quibus vero plur. edisserere non est propositum nostrum; hodierni namque Medici aliter longe sentiunt ac judicant in hisce rebus, sicut eorum scripta perhibent.

### §. III.

Cacochymiam igitur haud facile Anæmia complecti potest, quum vitium hujus in quantitate, istius autem in qualitate consistat; aliquando tamen occurrit inter effectus Anæmiæ, ut suo loco in sequentibus notabimus. Si quis vero diceret, non adesse in Cacochymia tot boni sanguinis partes, quot sanitas requirat, adeoque eam ad Anæmiæ species referri posse; respondetur facile, numerum partium sanguinis, ad sanitatem necessarium in corpore non deficere, sed harum particularum forte figuram, soliditatem aut simile quid, uno verbo, qualitatem debitam abesse. Quamobrem hic defectus apud plerosque auctores non anæmiæ, verum cacochymix nomine describitur & explanatur; quam distinctionem a longo tempore receptam etiam sequi volumus.

### §. IV.

Anæmia sensu nimis stricto & vi vocis sumpta, quia notat defectum totius massæ sanguineæ, ideoque mortem, non erit considerationis nostræ. Solliciti tantum erimus de Anæmia, quamdiu vitam & morbum ponit, & hinc varios effectus producit. Insuper tenendum est; nunquam dari totius sanguinis defectum, quia homo extinguitur, antequam omnis sanguis corpore exierit; quamobrem etiam omnis ad guttulam usque effluere nequit, sed in cadaveribus post mortem plus minusve relictum deprehenditur. Anæmia autem vitam non destruens, aut non brevi nimis temporis spatio filum ejus abrumpens, varios habet gradus, prout major vel minor liquidi sanguinei  
copia

copia variis suis ex causis in corpore deficit , & hinc quoque in effectibus ac circumstantiis Anæmiæ varietatem parit haud exiguam , actiones corporis quascunque debilitando vel turbando &c.

§. V.

In Ætiologia plurimæ quidem occurrunt anæmiæ causæ internæ ac remotæ , æque ac externæ & procacitæ , quæ tamen referri possunt vel ad hæmorrhagiam s. sanguinis effusionem aliquam nimiam : Quemadmodum sunt hæmorrhagia vulnerum , narium , gingivarum , vesicæ , uteri , aliarumque partium ; fluxus hæmorrhoidalis , mensium , lochiorum , nimius ; vomitus cruentus , dysenteria nimia ; Sputum cruentum s. hæmopthisis excessiv. venæsectiones & scarificationes nimie ; Omnes igitur causæ ejusmodi profusionum sanguinis nimiarum erunt quoque causæ anæmiæ ; foret nimis longum & etiam superfluum , si vellemus descendere ad quælibet singularia , & istarum enumerationem prolixam adducere , vel & multis exponere ; an anastomosi , vel diæresi , vel diapedesi sanguis in variis casibus effundatur ? Quo mihi rectius videtur de hisce sub hæmorrhagiæ casibus differere. Aliæ causæ anæmiæ quærendæ in morbis variis acutis atque chronicis , cum evacuatione quadam enormi , aut obstructione vasorum lacteorum , glandularum mesenterii , ductus thoracici , viscerum aliorum , vel & sine manifesta aut apparente obstructione sive infarctu dictarum partium , vel & scirrho : ut in quartana , tertiana diuturna , lenta febris &c. in quibus ob anorexiam insufficiens alimentum non generat sat sanguinis ; vel ingestum alimentum haud ita coquitur ac digeritur , ut inde debita sanguinis copia fieri posset. Quamobrem anæmia ut plurimum quoque inter reliquias variorum morborum superatorum : ut dysentericæ , leuentericæ , hydropis , febrium &c. occurrit. Vel etiam huc spectant  
evacua-



evacuaciones f. rejectiones aliæ nimix: Uti sunt diarrhoea colliquativa, fluxus hepaticus, celiacus, vomitus perpetuus, sudor nimius, salivatio enormis, diabetes, synovia, ulcera nimis & perpetim manantia &c. vel denique anæmiæ causa in nimis diu tolerata fame consistit. Omnia igitur, quæ hosce morbos acutos & chronicos ut causæ antecedunt, erunt quoque anæmiæ causæ paulo remotiores. Harum autem recensione supersedere possumus, quia pertinet ad ætiologiam istorum morborum. Sed exquiramus nunc breviter, quomodo variæ hæ causæ anæmiam inducant. Ratione hæmorrhagiæ sive effusionis cujuscunque sanguineæ nemini non perspicuum est, eo ipso in Corpore anæmiam fieri, quo cruoris copia nimia per aperta vascula effluit. In cæteris ejectionibus supra memoratis, quamvis sanguis purus non egrediatur, ejus tamen partes serosæ & aliæ ita a reliquis secedunt, ut relictæ in Corpore vitalis liquidi copia viribus sustinendis atque conservandis sit impar; Unde evidens ratio anæmiæ ex ejusmodi evacuationibus nimis ortæ. Paulo aliter se res habet in obstructionibus ante dictis & variis morbis chronicis, in quibus nullus, vel non sufficiens aut in ventriculo & intestinis non satis elaboratus chylus ad sanguinis oceanum delatus, debitam fibrarum elasticitatem copiamque requisitam spirituum animalium, pro actionum corporis omnium conservatione producere nequit. (2) Hæc namque supponunt debitam sanguinis quantitatem in Corpore; Sed ex chylo nullo, vel insufficiente ista copia generari atque conservari non potest, ergo necesse est oriatur anæmia; quemadmodum etiam in fame diu tolerata accidit. Si autem ab alimentis parum nutrientibus aliquis non satis chyli atque sanguinis accipiat, simili modo gradum aliquem anæmiæ oriri, manifestum est. An ætas decrepita quoque pertineat ad causas anæmiæ; Aliquomodo videtur? Prout nunc harum causarum gradus

B sunt

---

(2) Vid. Th. Zwing. Th. Prax. Med. p. 51.

funt varii atque diverſi, ita quoque anæmiæ hujusque effectuum plures & varii ſunt gradus, quorum forte leviores in quibusdam caſibus minus obſervantur, ob multa ſymptomata juncta, quæ ſæpe ex aliis cauſis atque morbis produci ſolent. Interim quum hætenus enarratæ cauſæ ſatis frequenter incidant, non poſſumus non cum quibusdam authoribus ſtatuerè, anæmiam frequentioreſſe, quam vulgo cogitatur. (3) In obſtructionibus autem memoratis & in fame diuturna non tantum ob defectum chyli, ſanguinis inducitur penuria, ſed etiam quia in hiſce circumſtantiis attritiones particularum nutritionis, ſecretiones & excretiones, alvi puta, urinæ, materiæ ſanctorianæ, ac ſudoris, muci narium, ſalivæ &c. pergunt, adeoque maſſam ſanguinis perpetim minuunt, & hinc ad anæmiam aliquid quoque conferunt. Memorabilia quædam exempla hominum fame & anæmia extinctorum, Excell. Rivinus (4) ex Diemerbroockio recenſet: Ejus verba hæc ſunt: „ Obſervavit hic in quodam viro, „ qui vitæ pertæſus per aliquot ſeptimanarum abſtinentiam ſe ipſum fame & ſiti extinxerat, omnes minores „ venas meſaraicas, intercoſtales, & ſimiles quaſi deletas, „ ipſum autem ſanguinem adeo paucum fuiſſe, ut ex vena cava vix tria cochlearia cruoris effluxerint, aorta „ autem omnino fuit vacua. In altero autem ob diuturnam inappetentiam longa inedia emaciato tandemque „ mortuo venas ſimul & arterias in tantum inanitas invenit, ut ex arteria magna nihil, ex vena cava vix duo „ cochlearia ſanguinis emanarint. „ Quis vero auſit affirmare, exiguas has ſanguinis reliquias ſufficere potuiſſe ad nutritionem totius. Anæmia quæ in nonnullis morbis cum acutis, tum chronicis occurrit, ubi neque evidens viſceris alicujus obſtructio, neque una ex ſupra memoratis ejectionibus nimis obſervatur, naſci videtur vel ab impedita

---

(3) Vid. Th. Zwingeri Th. Prax. Med. l. c.

(4) Diſſert. XXVIII. de nutrutione p. 527.



pedita chyli ac sanguinis generatione , vel a lenta liquidi vitalis consumptione per varios secessus partium ejus, vel ab utraque simul. Exempl. Gr. in Phthisi pulmonali , partes sanguinis partim secedunt & mutantur in pus , partim sudoribus e corpore ejiciuntur, partim non satis chyli coquitur, aut in sanguinem vertitur. In omnibus igitur morbis, qui sanguinis copiam nimis minutam habent junctam, semper uno vel altero ex dictis, vel non multum dissimili modo hanc produci nobis persuasum habemus. En exemplum aliquod in muliere rustica, annorum ætatis circiter quinquaginta, constitutionis corporis tenerioris, quam vulgo in rustica gente esse solet; quæ postquam per aliquod tempus toto corpore male habebat atque debilitatem sentiebat, cum appetitu dejecto aliisque symptomatibus, tandem Nosodochio Tigurino excepta, curæque Exper. atque Clariss. Dom. Doct. & Archiatri Abeggii, Præceptoris mei colendissimi permissa fuit, qui multa quidem secundum requisitas indicationes adhibuit remedia, quibus tamen nihil proficiebatur; pergebant quippe debilitas, siticula, anorexia, febricula, corporis lenta extenuatio &c. Inter hæc ægrota aliquando famulis adjuta, cum lectulo surgeret atque passus aliquot gradiretur, sensim in terram procidens e vivis excedebat. Quo audito modo laudatus Vir Experientis. constituit, ad causam morbi mortisque detegendam, cadaver cultro anatomico subjicere. Igitur oportuno tempore & loco ad hoc opus accedebatur, atque abdomine aperto statim in conspectum veniebat scirrhus ventriculi, qui maximam partem orificii superioris sive cardiæ occupabat, idque adeo angustum reddebat, ut vix quicquam cibi transire potuerit. Cæterum corpus valde extenuatum vasaque multum depleta conspiciebantur. Ex quibus nunc cuilibet facile perspicuum esse credimus, quænam fuerit causa morbi cum anæmia, & mortis? In hoc enim casu nonne sanguinis penuria a defectu chyli, mors denique a nimis retardato sanguinis, forte & spirituum animalium influxu in cor, cum ægra subito surgeret & incedere vellet, ante

lectulo fatis diu affixa? in isto autem subitaneo erectionis motu probabiliter sanguis in vena cava & arteriis carotidibus ob vires vasorum debiles, copiamque cruoris nimis minutam ascendere fatis cito non potuit, hinc itaque motus vitalis destructus mortem induxit. Causa anæmiæ proxima videtur consistere in ipsa ista sanguinis imminutione, quam una, vel altera, vel plures ex supra allatis externis ac internis causis producant, atque hinc etiam nunc simplicem magis, nunc complicatam faciunt anæmiam. Sed progrediamur nunc ad anæmiæ phænomenographiam, sive effectuum ac morborum contemplationem, qui ex ista proficiscuntur.

## §. VI.

Anæmia, quamvis aliorum morborum, ut hactenus vidimus, plerumque sit symptoma, nihilominus suos quoque edit plures variosque effectus atque morbos, qui commode dividi possunt in primarios sive eos, qui istam variis ex causis factam statim concomitantur, & secundarios sive alios, qui citius tardiusve primarios istos sequuntur. Ad priores referuntur sanguinis & humorum actio naturali minor in vasa, & quoniam omni actioni, ut in Physica docetur, semper æqualis & contraria est reactio, hinc etiam cæteris paribus erit vasorum actio in sanguinem ac cætera fluida corporis naturali debilior. His autem junguntur circulationes, secretiones, & excretiones magis aut minus turbatae, vel minutæ, pro diverso gradu anæmiæ atque circumstantiis aliis variis. Quamobrem etiam diversi gradus observantur pulsus debilis, ac parvi, attritus solito minoris & hinc caloris minuti sive frigoris, præcipue in membris extremis sive a corde remotissimis, debilitatis & in magno anæmiæ gradu aliquando animi deliquii, vel etiam palpitationis aut potius tremoris cordis, palloris, coctionis & digestionis in primis viis debilioris, transitus humorum per minimas vasorum angustias tardioris, aut impediti, somno-



fomnolentiæ aliorumque similium. Ubi tamen probe observandum est, horum effectuum primariorum varietatem, ratione numeri & gradus diversi, in quovis casu non tantum & unice pendere ab anæmiâ ejusque diverso gradu, verum sæpissime etiam aliquid facere symptomata alia, quæ ex aliis causis morbum concomitantur, in quo simul anæmia occurrit. Videamus nunc modum, quo hi effectus primarii ab anæmia producuntur.

## §. VII.

Ut intelligatur, quomodo in præcedenti paragrapho enumerati effectus ex anæmia oriantur, considerandum est, actionem humorum in vasa, horumque reactionem five renixum in fluida indeque pendentes circulationes, secretiones & excretiones, quemadmodum in sanitate exercentur, supponere inter alia sanguinis five liquidi vitalis quantitatem ac qualitatem naturalem. In anæmia non adest copia naturalis sanguinis sed minor §. I. hæc autem vasa naturali ac debito modo implere & expandere nequit; hinc etiam vasa ob æqualitatem reactionis supra ex Phycis allegatam minus justo agitant, premunt, pellunt comprimunt, mutant contenta liquida. Nonne ex hisce nunc evidens est ratio pulsus debilis ac parvi? Consistit enim hic in debili ac parva arteriæ dilatatione & contractione, hanc autem præcedit cordis contractio debilis. Elucet porro ex his ratio debilitatis & in magno anæmiæ gradu palpitationis cordis & animi deliquii. Frigoris ratio quærenda est in minore attritu, hujus vero in actione debili solidorum ac fluidorum. Sanguinis copia minuta vascula cutanea minus replens, per eaque minus transparens rationem continet palloris, cujus respectu, si juncta fuerit corporis extenuatio tritum illud valet: Pallor in ore sedet, macies in corpore toto. Neque difficilioris est intellectus ratio secretionum & excretionum turbatarum, vel imminutarum aliorumque effectuum, qui subinde intercurrunt: uti sunt oculorum

lorum caligo, aurium tinnitus, sensuum torpor, dyforexia, febris &c.

## §. VIII.

Ex primariis hisce anæmiæ effectibus citius, vel tardius, pro vario ejus gradu, varia temperie ægri variisque cæteris circumstantiis, ni ea sanetur, aut mors antecapiat futura phænomena, sequuntur alia secundaria diversa mala: Uti sunt cacochymia, cachexia, leycophlegmatia, hydrops anasarca, ascites, alia. In anæmia fluida corporis nimis imminuta minori vi agunt in vasa; hæc similiter agunt in ista, ita ut minus coquantur, subigantur, elaborentur, mutantur. Igitur ex chylo forte minus perfecto, ob debilem quoque organorum chylopoieticorum functionem sanguis quantitate ac qualitate bonus semper generari nequit, sed paulatim accumulatur partes serosæ, viscidæ, lentæ, acres, quæ facile hinc & inde subsistunt, sicque stagnationibus, obstructionibus & morbis paulo ante dictis originem præbent. Conferre quoque videntur, ad horum productionem secretiones & excretiones turbatæ aut imminutæ §. VII. Si quis hac in re desideret Authoritatem ac observationes aliorum; En locum ex Celeberr. Th. Zwingeri Theatr. prax. med. pag. 51. ubi hæc verba leguntur: “ Etenim sanguinis defectum subsequi solent „ utplurimum, cachexia, cacochymia, apepsia, hydrops „ aliive morbi non contemnendi. „ Huc etiam trahi potest quod in Cel. Fridr. Hoffmanni Opuscul. pathologico-practic. dissertat. II. de salium morbosorum generatione in corpore humano pag. 34. occurrit, ubi Auctor sequentia habet: “ deinceps verissime monet Hippocrates de „ prisc. med. non modo ex plenitudine, sed etiam ex „ inanitione gravia oriri mala, estque ex iis præcipuum „ magna luccorum impuritas. „ Eadem quoque confirmat experientia quotidiana. Nonne frequenter admodum unam, aut alteram ex supra recensitis ejectionibus nimis cum



cum anæmia sequitur cachexia, quæ secundum Celeberr. Frid. Hoffmannum gradu tantum differt a caco-chymia; & ex ea sensim aucta tandem leycophlegmatia & hydrops? Nonne hic sæpe Phthisi, scorbuto aliisque morbis chronicis supervenit in fine, antequam ægri mortem oppetant? Inclytus Boerhaavius inter causas cachexiæ & hydropis, evacuationes habet nimias, præcipue sanguinis arteriosi. Talis igitur liquidi vitalis nimia profusio, quia sine aliis intervenientibus anæmiam producit, quam dein sequuntur cachexia & hydrops; suo sensu tanquam istius effectus considerari possunt hi morbi. Coctionis defectum sive apepsiam Celeberr. Zwingerus, ut supra vidimus, quoque ad effectus anæmiæ retulit. Ejus autem ratio videtur in debilitate actionum &c. posita esse, de qua antea jam egimus. Tabi sive extenuationi corporis anæmia ansam præbere potest, partim ob inopiam particularum nutrientium, partim etiam ob minus debitum motum & applicationem earundem ad loca requisita, quia in anæmia actio vasorum in fluida, horumque motus per ista minuuntur, turbantur &c. Istud autem probe tenendum est, non omnem sanguinis penuriam statim, aut semper corporis consumptionem post se trahere, id quod de cæteris anæmiæ effectibus nonnullis, primariis æque ac secundariis quoque statuendum est. Polypus cordis vasorumque majorum nunc etiam se offert tanquam morbus anæmiæ originem debens. Producitur hic secundum Galenum a crassis lentisque humoribus. Alii dicunt a humoribus viscidis & gelatinosis nasci. (1) Celeb. Frideric. Hoffmannus (2) de origine ejus inter alia hæc habet:

„ Verum enimvero non minus sanguinis abundantia,  
 „ quam magna ejus inopia ad obstructions & concre-  
 „ tiones polyposas viam pandit facillimam. Hinc mihi  
 „ a magnis crebriusque repetitis hæmorrhagiis sæpissi-  
 „ me

---

(1) Vid. Eysel. Patholog. special. §. LXXXIIX. Harder. apiar. observ. LVI. Schol.

(2) Med. Rational. syst. Tom. IV. P. IV. Cap. X.

me morbos ex polypis ortos advertere licuit ; dum enim fibræ , ob nimiam distensionem laxiores porique redditæ sunt ampliores ; omnis generis crassi viscidique humores transmittuntur , qui polypis progignendis apprimè existunt idonei. „ Clariss. Joh. Oosterdyk Schacht in Instit. Medic Pract. (3.) de productione Polypi ita loquitur : “ Quum vero illa intima miscela imprimis tollatur quiete & stagnatione sanguinis , evidens est omne id , quod efficit , ut sanguis in corde stagnare & quiescere cogatur , cordis polypum producturum esse. „ Et ita alii quoque hanc rem fere simili modo explicant. In Anæmia igitur hoc modo polypum fieri existimamus : ob cruoris copiam valde imminutam vasa & cor non ita agunt suis contractionibus in sanguinem , sicut ad hujus motum & propulsionem naturalem ac debitam requiritur ; facile hinc in corde , vel majoribus hujus vasis particulæ ad motum ineptiores , concrescibiles alicubi lateri adglutinatæ , & paulatim novis accedentibus quoad numerum auctæ , tandem concrecentes in massam nunc majorem , nunc minorem sanguineo-serosam polypum constituunt varium ; Qui eo facilius nasci videtur , quo major est anæmiæ gradus , vel & quo plures causæ concurrunt , de quibus agere hic non est nostri instituti. Parum discrepant , quæ apud Celeb. Fridr. Hoffmannum (4) de hac re extant , & ita sonant : “ Impeditior sanguinis per vasa progressus ad polyporum generationem multum contribuit , nam a sanguine intra vasa subsistente ejus fluidæ partes perquam facile secedunt , unde fit , ut solidæ & crassiores procedente tempore concrecant & firmitus coagmententur. „ Si febrim anæmia junctam habet , & eapropter sit quæstio ; an ex ea tanquam effectus nascatur ? Observandum hic est , istam per se non statim omnem sanguinis penuriam sequi , hujusque effectum constituere , sed aliis intervenientibus quandoque accedere ,

---

(3) Cap. IX. §. IX.

(4) Tom. II. Cap. III. de motuum, microcos. leg. §. XXII.



cedere , vel etiam ex aliis causis generari & cum cæteris symptomatibus anæmiæ dein concomitari. Ex hisce commemoratis anæmiæ effectibus si non omnibus , saltem præcipuis , aut frequentioribus , alia plura sæpe inducuntur phænomena , antequam mors sequatur , quæ ultimus est ejus effectus.

### §. IX.

Ex hætenus traditis atque breviter explanatis causis & effectibus anæmiæ , diagnosi , prognosis atque indicationes curatoriae facile cognoscuntur. In diagnosi enim signa nobis præbent anæmiæ præsentis , hæmorrhagia quædam insignis , vel una ex cæteris supra memoratis ejectionibus sive evacuationibus nimis prægressa , debilitas omnium corporis partium , sive ut Celeberr. Th. Zwingerus habet (1.) virium defectus sine ullo alio præsentem morbo , quando scilicet anæmia ab alio morbo fere sola relicta est ; & quia in debilitate proficiscitur quoque ineptitudo aut segnities ad motum corporis , & membrorum , hanc etiam signis diagnosticis adscribere possumus cum pallore imprimis faciei , somnolentia , venis cutaneis collapsis aut minoribus quam in statu naturali esse solent , pulsu debili ac parvo , alimenti inopia , ut apud pauperes , præcipue tempore annonæ caritatis , anorexia perpetua ; quibus reliqui antea expositi effectus addi possunt. Quo plura horum signorum in dato aliquo casu concurrunt , eo evidentior & magis certa est diagnosi. Ni enim prægressa & manifesta fuerit una ex dictis ejectionibus , aut obstructio viarum lactis , aut visceris alicujus cum diuturno cibi fastidio , vix ac ne vix quidem signum pathognomonicum quisquam discernere poterit ; enumeratorum namque effectuum quosvis & ex aliis quoque causis nasci , & alios atque alios morbos concomitari posse quotidie observamus.

C

§. X.

---

( 1 ) Loc. supr. cit.

§. X.

In prognosi si quis de anæmiæ exitu rite judicare velit, varium ortum ejus atque gradum cum omnibus circumstantiis probe examinare debet. Anæmia ex morbo aliquo diuturno ac insanabili orta cæteris paribus quoque est insanabilis. Anæmiæ gradus insignis, in corpore minus salubri a graviori quadam causa vel morbo factus, valde periculosus est. Anæmia insignis cum frequenti lypothimia, aut diutius durante fere lethalis. Anæmia ex hæmorrhagia quadam non lethali, in corpore cæterum salubri, vel a morbo quodam cessante relicta sine aliis malis, non est periculosa, sed pro variis circumstantiis nunc citius, nunc tardius sanari se finit. In quolibet igitur casu anæmiæ ex prægressis ac præsentibus rite inter se comparatis signa eruuntur prognostica debitaque cognoscuntur præsagia.

§. XI.

In curatione anæmiæ unica fere est indicatio, nempe vitalis, cui satisfaciendum est; hac enim viribus vitæ prospicitur; In anæmia autem hæ sunt imminutæ ob sanguinis penuriam; erunt igitur augendæ restitutione debita liquidi vitalis copiae. Hanc restituunt optima quæque alimenta & potulenta. Solo itaque fere indigemus fonte diætetico, quia auxilia reliquorum non nutriunt; penitus tamen non rejicimus corroborantia atque confirmantia, ex fonte pharmaceutico. Sed multa opus hic est distinctione atque selectu propter varias anæmiæ causas; diversasque circumstantias, ratione ætatis, idiosyncrasiae, regionis, constitutionis, gradus morbi diversi aliorumque similia.

§. XII.



§. XII.

Quod si itaque anæmia a sanguinis aliqua nimia profusione orta fuerit; præter quietem animi & corporis, in loco quodam salubri, aeris temperati, pro cibo commendamus juscula carnis vitul. gallinar. junior. cum gelatina rasur. ebor. & c. c. juscula farinac. avenac., vel cum semine gramin. Mannæ cocta, aut cum oryza, aut hordeo; juscula lactea cum ovis forbilibus, crem. lact. cum album. ovi amygdalis & saccharo, vel lac cum ovis & farina coct. quæ apud nos german. appellantur *Rachelmüßlein*, *Seidenmüßlein*, *Blattenmüßlein* &c. Juscula lactea cum succolata Indorum, vel cum aqua & vitell. ovi. Radices pastinacæ junior. scorzoner. cinaræ fructus vel cum jusculis, vel aliis ita coct. ut facilis sint digestionis, & multæ nutritionis; simili modo carnes juniores vitul. caprill. agn. reliqu. animal. & volucr. domestic. probe concis. ac contrit. locum habent. Interponi possunt his gelatinæ ex fructibus horreis melioris notæ, aut ipsi fructus cocti: Uti sunt poma Borstorfiana, Renette, Cydonia &c. cum his panis optime fermentat. aut bis coctus concedi potest per se & in jusculis variis. Pro potu conducit ptisana ex rasur. Ebor. c. c. pass. minor. & herb. scolopendr. vel fanicul. & Cort. Citr. aut decoct. hordei vel & aqua fontana optim. cum tantillo vini mitioris coct. & sacchari frustulo; aut etiam, ubi neque adest febris, neque metus recidiv. hæmorrhag. subinde haustulus vini alicujus generosi, vel similis cerevisiæ. Ex fonte pharmaceutico, ni febris, aut major anæmiæ gradus cum animi deliquio, aut aliud quid urgeat, parum aut nihil requiritur. Sed ægroti raro contenti solis diæteticis, pharmaceutica quoque desiderant. Quamobrem facile gratiora nonnulla analeptica Julapia, vel Emulsiones, vel Tincturas & Mixturas tanquam formulas magis acceptas præscribere possumus seq. in mod.

℞. Aqu. Borrag. ceras. nigr. aa. unc. v. Plantag. unc. duas Syrup. papav. errat. Cydon. aa. unc. i. m. d. ad vitr. ut singul. bihorio aliquot unciaë hauriantur. Pro Emulfione ℞. sem. melon. cucum. papav. alb. amygd. dulc. rec. excort. vel ubi recent. nucl. pinei haberi possunt aa. Drachm. ii. aqu. Buglofs. Borrag. aa. unc. iv. Ros. unc. fem. Fl. Til. unc. i. F. L. a. Emulf. col. add. Syr. de Symph. Fern. Capill. vener. aa. unc. Sem. Spiritus nitr. dulc. gtt. x. m. d. ad vitr. ut quavis hora aliquot unc. bibantur. Pro Tinctura, ℞. Flor. viol. borrag. rosar. rubr. aa. p. ii. Tunic. pug. sem. aqu. ceras. nigr. lactuc. aa. q. s. ut fiat l. a Tinct. unc. vi. cui add. fyr. Papav. errat unc. fem. Ess. dulc. hallens. simpl. scrup. i. aqu. naph. drach. i. m. d. ad vitr. ut æger omni bihorio capiat aliquot cochlearia plena. Ipsa Essent. Hallens. simpl. etiam in multis casibus singul. vi. vel viii horis ad gtt. XX. aut XXV. cum aqu. fl. Til. vel Borrag. aut alio simili convenienti vehiculo tuto concedi potest. Hujus virtutis & effectus plurima alia dantur, quæ pro re nata præscribi possunt & in anæmia a reliquis nimis evacuationibus orta, modo quis observet E. G. lactinia & Juscula carnea pura vel & cancrorum fluviat. In anæmia a diarrhæa, aut vomitu, vel hisce adhuc præsentibus non æque conducere ac in aliis casibus; similiter in anæmia cum præsentem jam cachexia, leycophlematia vel & hydrope, lac & lactinia non proficua esse; & sic porro. In anæmiæ casu ab obstructione quadam aut scirrho, cum anorexia perpetua, vel etiam cum polypo, ex supra comendatis, tam diæteticis, quam pharmaceuticis horumque aliis similibus, ea sunt eligenda & adhibenda, quæ non adstringunt, sed potius aperiant & resolvunt. Anæmia ex diu tolerata fame alia non exigit. Extus in quibusdam casibus forte aliquid faciunt quoque enemata, & fomenta nutrientia. In Lipothymia excitantia spirituosa, naribus, temporibus, cordis regio-



regioni applicata. Omnia autem hæc & plura alia similis virtutis in sananda anæmia, studio brevitatis hic omiſſa, in quavis regione & quovis caſu a prudenti Medico ad cujuſlibet ægrotantis ætatem, ſexum, temperiem, conſuetudinem, morbi circumſtantias &c. ita accommodari ſolent, ut non ſolum anæmiæ reſpectu optime, quantum fieri poteſt, cedere queant, ſed & morbis, a quibus anæmia producta, vel quibuſcum conjuncta eſt, contraria ſint: Illud enim monente Celſo ignorare non oportet, quod non omnibus ægris eadem auxilia conveniant. E. G. Ruſticus paucioribus minusque ſubtilibus & alimentis & medicamentis contentus eſt. Infans, puer & puella adultis cæteris paribus exigunt pauciora ac ſubtiliora, ſed brevioribus fere temporis intervallis propinanda. Maximi etiam momenti eſt, quævis alimenta, potulenta ac medicamina opportuno exhibere ſemper tempore. Quamvis enim hæc regula generalis ſit, ac in omnium aliorum morborum curationibus locum habeat, hic tamen imprimis eſt ob debilitatem corporis obſervanda. Anæmiam antevertimus, curatione & ablatione eorum morborum, a quibus eam proficiſci ſupra vidimus. Ultra nunc, progredi animus non eſt.

F I N I S.





Σ. ☉

Comme un Arbre , qui vit de l'humeur qu'il attire ,  
Meurt , quand il est fevré de ce suc nourrissant ;  
Ainsi , destitué de Chiles & de Sang ,  
Bientot le Corps humain d'épuisement expire.



Sola Satis Nomen , Zwicki , tua scripta decorant ,  
Ullo nec plausu mascula virtus eget ;  
At si Musa filet nunc , Laudis nescia : funto  
Effusa , ex imo pectore , vota , meo.  
Queis si flectuntur superi , manante per artus ,  
Purpureo semper sanguine , sanus eris.

Pauca hæc ,  
Nobilissimo Dn. Respondenti ,  
Fautori , Amico  
Æstumatissimo  
in perpetuum sinceræ Amicitiae  
Testimonium, gratulabundus,  
appendebat.

D. C. E. BERDOT, *Montisbelgardensis*  
*Medic. ac Chirurg. artium Cultor.*





